

Kalaallit Nunaanni sullivinni avatangiisit pillugit ilinniartitaanerit tamanit peqataaffigisassat pillugit nalunaarut

Kalaallit Nunaanni sullivinnik avatangiisit pillugit inatsimmi § 9, imm. 2, § 9 a, imm. 2, § 56, § 57, imm. 1, aamma § 57 a malillugit, tak. inatsimmik nalunaarut nr. 1048, 26. oktober 2005-imeersoq, inatsisikkut nr. 1382, 23. december 2012-imeersukkut aamma inatsisikkut nr. 724, 13. juni 2023-meersukkut allangortinneqartumi, piginnaatitsisoqareernikkut aalajangersarneqarput:

Kapitali 1

Pineqartut

§ 1. Sullivinni avatangiisit pillugit ilinniartitaanerit tamanit peqataaffigisassani pineqarput:

- 1) Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit kattuffimmi ilaasortat ilinniartitaanerat.
- 2) Illuliortiternermi sanaartormermilu sulisorisat isumannaatsuunissaannik peqqissuunissaannillu sulianut ataqatigiissaarisut ilinniartitaanerat.

§ 2. Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit kattuffimmi ilaasortat sullivinni avatangiisit pillugit ilinniartinneqarnissaannik, Sullivinnik Nakkutilliisoqarfik neqerooruteqartarpoq nalunaarummi uani kapitali 2 malillugu.

§ 3. Illuliortiternermi sanaartormermilu isumannaatsuunissaq peqqissuunissarlu pillugit sulianut ataqatigiissaarisunik sullivinni avatangiisit pillugit ilinniartitaaneq pillugu nalunaarummi matumani kap. 5 malillugu ilinniartitsinissamik neqerooruteqartartut Sullivinnik Nakkutilliisoqarfimmit akuerisaasut neqerooruteqarsinnaapput.

Kapitali 2

Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit kattuffimmi ilaasortat ilinniartitaanerat

Siunertaq imarisaanullu immikkut piumasaqaatit

§ 4. Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit kattuffimmi ilaasortat sullivinni avatangiisit pillugit ilinniartinneqarneranni siunertarineqarpoq pitsaaliuinemik suliaqarnerup nukittorsarneqarnissaa, sullivinnilu avatangiisit pillugit kattuffiup sulinerata sunniuteqarnerulersinnissaa. Isumannaatsuunissap peqqissuunissallu suliaassartaat isumagisinnaaqqullugit periaatsinik sullivinnilu avatangiisit pillugit ilisimasassanik pisarialinnik sullivinni avatangiisit pillugit sinniisuutitat aamma sulisunik siulersuisut ilisimasaqalernissaat ilinniartitaanerup qulakkiissavai.

§ 5. Sullivinni avatangiisit pillugit ilinniartitaaneq, pikkorissarlutik peqataasut sullivinni avatangiisit pillugit ilinniartinneqarnerat ima pilersaarusiorneqassaaq, sullivinni avatangiisinut tunngasut tamakkiisumik paasineqartussanngorlugit tulliusut atuartitsissutiginerisut

- 1) suleqatigiinnermut, ilisimasaqalersitsinnermut aamma perorsaajutigaluni ilinniartitsinikkut sunniiniutitut tunngaviit, sullivinni avatangiisit pillugit kattuffimmi atorneqarsinnaasut,
- 2) Kalaallit Nunaanni sullivinni isumannaallisaanermik peqqissutsimillu suliaqarnermi suleqatigiinneq pillugu nalunaarut malillugu sullivinni avatangiisit pillugit kattuffiup suliasai atuuffiilu, matumani ukiumoortumik sullivinni avatangiisit pillugit oqallinnermut peqataaneq,
- 3) sullivinni avatangiisit pillugit suliallit sulinerat aamma peqataasut sullivinni avatangiisit pillugit sulialinnut allanut attuumassutaat, matumani Sullivinnik Nakkutilliisoqarfik il.il. eqqarsaatigalugit,
- 4) sullivimmi aaqqissugaanerit tassungalu atatillugu suleqatigiinnerit sullivinni avatangiisit pillugit kattuffiup peqataaffigisai suleqataaffigisaalu,
- 5) sullivinni avatangiisit pillugit kattuffiup sullivinni avatangiisit pillugit pitsaaliuinnermik pilersaarusiortarnera piviusunngortitsisarneralu,
- 6) periaatsit pitsaaliuinnermi atorneqarsinnaasut, matumani sullivinni avatangiisit pitsaasut isumaqarneri, sullivinni avatangiisit pillugit misissuinerit, nakkutilliilluni misissuinnermi skiimat allattuiffiit atortullu assingusut sullivinni avatangiisitigut ajornartorsiutit paasiniarnissaannut atorneqarsinnaasut, sullivinni avatangiisitigut ajornartorsiutinik malussarniutit ilanngunnissaat, sullivinnik naliliinissanut atortussiorneq, kiisalu sullivinni avatangiisitigut tarnip pissusaannut iliuusissatut periarfissat aamma
- 7) ajutoornernut, toqunartortortitaanernut aamma peqqissutsimut ulorianaatinut atatillugu sullivinni avatangiisit pillugit kattuffiup suliasai.

Ilinniartitaanerup aaqqissuunnera

§ 6. Ilinniartitaaneq 22 tiiminik sivilissuseqassaaq, ilanngullugit unillatsiartarnerit ulloqqasiortarnerit ilanngunnagit.

Imm. 2. Ilinniartitaaneq annerpaamik sapaatit akunnerisa 7-it iluanni ingerlanneqassaaq.

§ 7. Ilinniartitaaneq kalaallisut danskisullu neqeroorutigineqassaaq. Aammattaaq atuartitsinnermi allattariarsornermi atortut oqaatsini marlunni pineqartuni pigineqassapput.

§ 8. Ilinniakkap ilusaa pikkorissarnissamut nalunaarnermi ilisimatitsissutigineqarsimassapput.

Imm. 2. Ilinniartitaaneq internetikkut atuartitsinnermik ilaqassappat, pikkorissarnermut peqataasussaq IT-mut piginnaasanik qanoq ittunik piginnaasaqassanersoq aamma pikkorissarnermut peqataasussaq teknikkikkut atortussanik qanoq ittunik atugaqassanersoq allassimassaaq.

Kapitali 3

Ilhuliortiternermi sanaartornermilu sulisorisat isumannaatsuunissaannik peqqissuunissaannillu sulianut ataqatigiissaarisut sullivinni avatangiisit pillugit ilinniartitaanerit

Siunertaq aamma imaanut immikkut piumasagaatit

§ 9. Illuliortiternermi sanaartormilulu sulisorisat isumannaatsuunissaannik peqqissuunissaannillu sulianut ataqatigiissaarisut ilinniartitaanerannut siunertarineqarpoq illuliortiternermi sanaartormilulu suliaqarnermut ataqatigiissaarisut, ataqatigiissaarisunik atuuffimmik namminneq suliaqarsinnaanissaannut piginnaanngorsarnissaat. Ilinniartitaanerup qulakkiissavaa, isumannaatsuunissamut peqqissutsimullu suliasartat aaqqissuulluakkamk isumagisinnaaqqullugit ataqatigiissaarisut periaatsinik sullivinnilu avatangiisit pillugit ilisimasassanik pisarialinnik ilisimasaqalernissaat.

§ 10. Illuliortiternermi sanaartormilulu sulisorisat isumannaatsuunissaannik peqqissusaannillu sulianut ataqatigiissaarisunik sullivinni avatangiisit pillugit ilinniartitaanerup imarisaa pilersaarusiorneqassaaq, peqataasut makkunatigut atuartinneqartussanngorlugit

- 1) suleqatigiinnermut, ilisimasaqalersitsinnermut aamma perorsaajutigaluni ilinniartitsinikkut sunniiniutinut tunngaviit kiisalu sanaartormermi suliaqartut sunnernissaat, matumani sulisorisat aamma sulisunut siulersuisut sullivinni avatangiisinut siuarsaavigineqarnissaat eqqarsaatigalugu,
- 2) ataqatigiissaarisup pisussaaffii aamma atuuffia, sanatitsisup pisussaaffii pillugit Kalaallit Nunaannut nalunaarummi malittarisassat malillugit,
- 3) sullivinni avatangiisit pillugit suliallit kiisalu ataqatigiissaarisup aamma sullivinni avatangiisit pillugit kattuffiup, sullivinni avatangiisit pillugit suliaqartartunut allanut attuumassuteqarnerat, matumani Sullivinnik Nakkutilliisoqarfik il.il. eqqarsaatigalugit,
- 4) illuliortiterfinni sanaartorfinnilu sullivimmi aaqqissugaanerit, ataqatigiissaarisup peqataaffigisai, matumani isumannaallisaaneq pillugu ataatsimiinnerit aamma isumannaallisaaneq pillugu siunnersuisoqatigiit siulersornissaannut ingerlannissaannullu tunngavissat periaasissallu,
- 5) isumannaatsuunissaq peqqissuunissarlugu pillugit pilersaarummik suliaqarneq, attatsiinnarneq aamma naammassinninneq,
- 6) ataatsimut suliaqarfinni kingunissalimmik pilersaarusiorneq aamma pitsaaliuinerмик suliasap ingerlanneqarnissaa,
- 7) periaatsit pitsaaliuinermi ator neqarsinnaasut, matumani sullivinni avatangiisinik misissuisarnerit, nakkutilliinermi allattuisarnerit atortullu tamakkununga assingusut sullivinni avatangiisitigut ajornartorsiutit paasiniarnissaannut ator neqarsinnaasut, sullivinni avatangiisitigut ajornartorsiutinik malussarniutit ilanngunnissaat, sullivinnik naliliinissanut atortussiorneq, kiisalu sullivinni avatangiisitigut tarnip pissusaannut iliuusissatut periarfissat aamma
- 8) sanaartortoqarneranut atatillugu sullivinni avatangiisit pillugit aqutsineq aamma
- 9) ajutoornernut, toqunartortortitaanernut aamma peqqissutsimut ulorianaatinut atatillugu sullivinni avatangiisit pillugit kattuffiup suliassai.

Ilinniartitaanerup aaqqissuunnera

§ 11. Ilinniartitaaneq 37 tiiminik sivilissuseqassaaq, ilanngullugit unillatsiartarnerit ulloqqeqasiernerit ilanngunnagit.

Imm. 2. Ilinniartitaaneq annerpaamik sapaatit akunnerisa 15-it iluanni ingerlanneqassaaq.

§ 12. Ilinniartitaanermik ingerlatsisussatut neqerooruteqartut ilinniartitaanernut tamanut ilinniartitsissutissatut pilersaarut suliarissavaat. Ilinniartitsissutissatut pilersaarutit ataasiakkaat §§ 9-11 aamma 13-17-imi piumasaqaatit piviusunngortissimassavaat, aamma ilanngussaq 1-imi paasissutissanik allassimasunik imaqassallutik.

§ 13. Atuartitsineq kalaallisut danskisulluunniit neqeroorutigineqassaaq. Aamma atuartitsinermini allattariarsornermi atortut, atuartitsinermini oqaatsit atorineqartut malillugit allassimassallutik, taamaattoorli tak. § 23, imm. 4.

Imm. 2. Atuartitsineq immikkut akuersissuteqanngitsumik oqaatsit allat atorlugit ingerlanneqarsinnaavoq, ilinniartitsissutissatut pilersaarut akuerineqarsimasooq tunngavigalugu ilinniartitaaneq ingerlanneqarpat.

§ 14. Ilinniakkap ilusaa pikkorissarnissamut nalunaarnermi ilisimatitsissutigineqarsimassapput.

Imm. 2. Ilinniartitaaneq internetikkut atuartitsinermini ilaqassappat, pikkorissarnermut peqataasussaq IT-mut piginnaasanik qanoq ittunik piginnaasaqassanersoq aamma pikkorissarnermut peqataasussaq teknikkikkut atortussanik qanoq ittunik atugaqassanersoq allassimassaaq.

Imm. 3. Internetikkut atuartitsineq imaattunik piumasaqaatitaqarpoq:

- 1) Pikkorissartitsinermini Ilinniartitsinissamik neqerooruteqartartut, it-systemit atorineqartussat misilittarneqareersimanissaat aamma ilinniartitaanerup ingerlanneqarnissaanut tulluatuunerat piffissami qaqukkulluunniit uppersarsarsinnaassavaat.
- 2) Pikkorissartut internetikkut tunngaveqartumik atuartitsinissap ingerlannissaanut ilisaritinneqassapput.

Kapitali 4

Sullivinni avatangiisit pillugit ilinniartitaanernut piumasaqaatit ataatsimoorussat

Perorsaanikkut tunngaviit

§ 15. Avatangiisit pillugit ilinniartitaanerit pilersaarusiorneqassapput perorsaanikkut tunngaviit tulluuttunik imaqartillugit:

- 1) Pikkorissarnermut peqataasut sullivii aallaavigalugit aamma pikkorissarnermut peqataasut sullivinni avatangiisit pillugit kattuffimmi atuuffiannut imaluunniit illuliortiternermi sanaartormilulu ataqatigiissaarisunik ilisimasaat misilittagaallu aallaavigalugit atuartitsineq assigiinngiaartinneqassaaq.
- 2) Pikkorissanermut peqataasut suliffimmi sullivinni avatangiisit pillugit suliaqarnissamut periaatsit suliaqarnikkut sungiusarnermi ilinniassavaat, taakku ataasiakkaat suliffeqarfianit pissutsinik piviusunik aallaaveqarnerussallutik.
- 3) Atuartitsineq imaalillugu aqqissuunneqassaaq pilersaarusiorneqassallunilu,

4)

- a. pikkorissarnermut peqataasut pimoorussamik suleqataatillugit,
- b. sullivinni avatangiisit pillugit suliaassat aaqqiiviginissaannut misilittakkat pikkorissarnermut peqataasut akornanni paarlaateqatigiissinnaatillugit,
- c. pikkorissarnermut peqataasut suliaassittarlugit ajornartorsiutinillu aaqqiissuteqarniartittarlugit aamma
- d. atuagarsornermi teoriit aamma suliaqarnermi sungiusaatit nikerartillugit,
- e. pikkorissarnermut peqataasut ataasiakkaat suliaassamut tulluurtumik ilisaritinneqarnissaa aamma suliani pillugu akissuteqarfiginissaa qulakkeerneqassapput, tak. § 17 aamma
- f. atuartitsisup, pikkorissaaneq ingerlatillugu pikkorissarnermut peqataasut attavigissavai siunnersorsinnaallugillu.

Sullivinni avatangiisit pillugit ilinniartitaanerit pilersaarusiornissaat

§ 16. Ilinniartitaaneq atuaqatigiikkuutaat amerlanerpaamik 20-kkaarlugit pikkorissaanertut ingerlanneqassaaq.

§ 17. Pikkorissarnermut peqataasut ilinniartitaanerup ilaatut, kisianni nalunaaquttap akunnerisia amerlassusiata kisitsisaata avataatigut, suliaqarluni suliaassaq ingerlatissavaat, tassani suliaassami pikkorissarnerup imai, pikkorissarnermut peqataasut ataasiakkaat sullivinni avatangiisit pillugit kattuffimmi suliaannut imaluunniit pikkorissarnermut peqataasut ataasiakkaat ataqatigiissaarisunik suliaannut kattunneqassapput.

§ 18. Sullivinni avatangiisit pillugit ilinniartitaanernik ilinniartitsinissamik neqerooruteqartartut sullivinni avatangiisit pillugit ilinniartitaanernik naammassinnissimasutut pikkorissarnermut uppersaammik pikkorissarnermut peqataasunut tamanut tunniussissapput.

Init atuartitsiviit aamma atortorissaarutit

§ 19. Sullivinni avatangiisit pillugit ilinniartitaanerit inini atuartitsivinni tulluurtuni pisariaqartinneqartunik ingerlalluurtunillu perorsaanikkut aamma teknikkikkut atortorissaaruteqartuni ingerlanneqartassaaq, matumani internetimut iserfissaaq ammasoq.

Imm. 2. Atortussiat attuumassutillit il.il. pikkorissarnermut peqataasunit pissarsiarineqarsinnaassapput.

Atuartitsisut

§ 20. Sullivinni avatangiisit pillugit ilinniartitaanerit atuartitsisoq ilinniakkamigut aamma sullivinni avatangiisinut tunngasutigut tulluurtunik piginnaasaqassaaq:

- 1) Ulluni 9-ni atuartitsisutut pikkorissarsimassaaq. Sullivinnik Nakkutilliisoqarfiup atuartitsisunik pikkorissaaneq ingerlattassavaa, tak. sullivinni avatangiisit pillugit

ilinniartitaanerit tamanit peqataaffigisassat pillugit ilinniartitsinissamik neqerooruteqartartut pillugit nalunaarut.

- 2) Sullivinni avatangiisit pillugit ilinniartitaaneq tamanit peqataaffigisassaq naammassisimassavaa, tak. § 1, imaluunniit sullivinni avatangiisit pillugit ilinniartitaaneq assingusoq naammassisimassallugu.
- 3) Sullivinni avatangiisit pillugit suliaqarnermik imaluummiit suliamik tassunga assingusumik misilittagaqassaaq.
- 4) Ikinnerpaamik 120 tiiminut naapertuuttumik perorsaaneq pillugu ilinniartitaanermik naammassinissimassaaq.
- 5) Naleqquttumik atuartitsinermik misilittagaqassaaq.

Naliliineq

§ 21. Peqataasimasut atuartitsisuusimasullu naliliineri tunngavigalugit sullivinni avatangiisit pillugit ilinniartitaanerit ukiumut ataasiarluni naliliiffigineqartassapput.

Imm. 2. Kalaallit Nunaanni Sullivinni Avatangiisit pillugit Siunnersuisoqatigiit ukiumoortumik naliliisimaneq pillugu ilisimatinneqartassapput.

Kapitali 5

Illuliortiternermi sanaartornermilu isumannaatsuunissaq peqqissuunissarlu pillugit sulianut ataqatigiissaarisunik sullivinni avatangiisit pillugit ilinniartitsinissamik neqeroorutillit akuersissutigineqartarnerat

§ 22. Illuliortiternermi sanaartornermilu isumannaatsuunissaq peqqissuunissarlu pillugit sulianut ataqatigiissaarisunik sullivinni avatangiisit pillugit ilinniartitsinissamik neqeroorutillit akuerineqarnissaannut, ilinniartitsinissamik neqerooruteqartup kapitali 3 aamma 4-mi piumasaqaatinik naammassinissimanissaa piumasaqaataavoq.

Imm. 2. Sullivinnik Nakkutilliisoqarfiup ilinniartitsinissamik neqerooruteqartartumik akuersissutaa ukiuni 5-ini atuuttarpoq, akuersissuteqarnermut piumasaqaatit naammassineqarsimannginnerat pissutigalugu akuersissut atorunnaarsinneqarsimanngippat.

Imm. 3. Ilinniartitsinissamik neqerooruteqartartup Sullivinnik Nakkutilliisoqarfik nalunaarfigissavaa, ilinniartitsinissamik neqerooruteqartartup akuerineqarnissamut qinnuteqarnerminut atortussiaani allassimasuni pissutsini allanngortoqarpat.

Imm. 4. Sullivinnik Nakkutilliisoqarfiup akuersissut atorunnaarsissinnaavaa, annertuumik atornerlunneqarpat, imaluunniit ilinniartitaanerup neqeroorutigineqarsimasup pitsaassusaani annertuunik amigaaqartoqarpat.

§ 23. Illuliortiternermi sanaartornermilu isumannaatsuunissaq peqqissuunissarlu pillugit sulianut ataqatigiissaarisunik sullivinni avatangiisit pillugit ilinniartitsinissamik neqeroorutillit akuerineqarnissamut qinnuteqaataat Sullivinnik Nakkutilliisoqarfimmut nassiunneqassaaq.

Imm. 2. Qinnuteqaammut ilanngunneqassapput

- 1) ilinniartitsissutissatut pilersaarut, tak. § 12, aamma
- 2) atuartitsisut piukkunnaataat pillugit uppersaatit, tak. § 20.

Imm. 3. Qinnuteqaateqartup aammattaaq paasissutissiissutigissavai sullivinni avatangiisit pillugit ilinniartitaaneq qanoq allaffissornikkut aqutsiffigineqassanersoq, matumani suliffeqarfimmi ilinniartitaanermut akisussaasup aqqa atorfialu ilanngullugit.

Imm. 4. Qinnuteqarnissamut atortussiat danskisut saqqummiunneqassapput.

§ 24. Ilinniartitsinissamik neqerooruteqartartut akuerisat nalilersuinnermut peqataasassapput, tak. § 21, aamma pikkorissarnermut peqataasut pikkorissarnernik tamanik nalilersuisarnissaat ingerlaavartumik isumagisassallugu.

Kapitali 6

Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit kattuffimmi ilaasortat sullivinni avatangiisit pillugit ilinniartitaanernut peqataanerannut akiliut

§ 25. Sullivinni avatangiisit pillugit sinniisuutitanut aamma sulisunik siulersuisunut sullivinni avatangiisit pillugit kattuffimmi ilaasortanut sullivinni avatangiisit pillugit ilinniartitaanerit ingerlanneqarnerannut aningaasartuutit ilaasa matussusernissaannut, pikkorissarnermut peqataasut sulisitsisui akiliummik Sullivinnik Nakkutilliisoqarfiup akiliuteqaqqussavai. Akiliutip matussusissavai Sullivinnik Nakkutilliisoqarfiup aningaasartuutaasa ilai tapiissutinit matussusigaanngitsut, tak. § 27.

Imm. 2. Akiliut maanna atuuttoq Kalaallit Nunaanni Sullivinnik Nakkutilliisoqarfiup nittartagaani allassimavoq.

Kapitali 7

*Aqutsinermi allaffissornikkut aalajangersakkat
Immikkut akuersissut*

§ 26. Pisuni ataasiakkaani immikkut pisoqartillugu nalunaarummi matumani aalajangersakkat saneqqunneqarnissaat Sullivinnik Nakkutilliisoqarfiup pisortaata akuerisinnaavaa.

Imm. 2. Illuliortiternermi sanaartornermilu isumannaatsuunissaq peqqissuunissarlu pillugit sulianut ataqatigiissaarisunik sullivinni avatangiisit pillugit ilinniartitsinissamik neqeroorutilinnik akuerisanik soqanngippat, ilinniartitaaneq sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit kattuffimmi ilaasortat sullivinni avatangiisit pillugit ilinniartitaanerannik taarserneqassasoq Sullivinnik Nakkutilliisoqarfiup pisortaata akuerisinnaavaa.

Tapiissutit

§ 27. Sullivinni avatangiisit pillugit sinniisuutitat aamma sulisunik siulersuisut sullivinni avatangiisit pillugit kattuffimmi ilaasortat sullivinni avatangiisit pillugit ilinniartitaaneranni aningaasartuutit ilaasa matussusernissaannut ukiumoortumik aningaasanut inatsimmi immikkut aningaasaliinikkut Sullivinnik Nakkutilliisoqarfiup tapiiffigisinnaavai. Ilinniartitaanerit ineriartortinnerannut allaffissornikkullu aqutsiffigineqarnerannut tapiissut akilerneqassaaq, matumani ilinniartitaanerit ingerlanneqarnissaannut aamma atuartitsisut akissarsiannut angalanernullu aningaasartuutitut.

Naammagittaalliorneq

§ 28. Sullivinnik Nakkutilliisoqarfiup nalunaarut manna malillugu aalajangigai Kalaallit Nunaanni sulinerimi avatangiisit pillugit inatsimmi § 64 malillugu naammagittaalliuutigineqarsinnaapput.

Kapitali 8 Atuutilersitsineq

§ 29. Nalunaarut manna atuutilersinneqarpoq ulloq 1. januar 2026.

Imm. 2. Kalaallit Nunaanni sulisilluni avatangiisinik ilinniartitaanerit tamanit peqataaffigisassat pillugit nalunaarut nr. 800, 14. juni 2023-meersoq atorunnaarsinneqarpoq.

Imm. 3. Ilinniartitsinissamik neqeroorutillit, Sullivinnik Nakkutilliisoqarfiup 1. januar 2026 nallertinnagu akuerisimasai, illuliortiternermi sanaartornermilu isumannaatsuunissaq peqqissuunissarlu pillugit sulianut ataqatigiissaarisunik sullivinni avatangiisit pillugit ilinniartitsinissaq pillugu nalunaarutaat una malillugu ilinniartitsissutissatut pilersaarutit pineqartut immikkut ittumik akuersissutigiteqqaartinnagit, neqerooruteqarsinnaapput. Ilinniartitsinissamik neqeroorutillit pineqartut, illuliortiternermi sanaartornermilu isumannaatsuunissaq peqqissuunissarlu pillugit sulianut ataqatigiissaarisunik sullivinni avatangiisit pillugit ilinniartitsinissamik suli kissaateqarpata, piffissaq akuersissuteqarfiat qaangiukkaangat akuerineqaqeqqaartassapput.

Sullivinnik Nakkutilliisoqarfik, ulloq xx.xx 2025

Marianne Sørensen

/ Sofie Bisbjerg

Ilinniartitsissutissatut pilersaarutip imai

Ataqatigiissaarisunut sulisilluni avatangiisinik ilinniartitaanermut ilinniartitsissutissatut pilersaarut minnerpaamik tulliusut pillugit allaaserinninnermik imaqassaaq:

1. Ilinniartitaanerup siunertaa.
2. Ilinniartitaanerup sannaa, matumani atuartitsinerup imaata tulleriinnilersorneri aamma piffissami pingaarnersiorneqarsimaneri.
3. Perorsaanikkut tunngaviit aamma periaatsit atorineqarsimasut.
4. Avataaneersunik atuartitsisartunik atuineq.
5. Atuartitsinerup atortussiat aamma taakku atorineqarneranut allattorsimaffik.
6. Ilinniartitaanerup ilaasa ataasiakkaat siunertaat.
7. Ilinniartitaanerup ingerlanerani suliatigut suliasap ilanngutitinneqarnera.
8. Pikkorissarnermut atatillugu pikkorissarnermut peqataasussat tiguneqarnissaanut piumasaqaatit.
9. Pikkorissarnermut peqataasut suliasanut akissutaasa akuerineqarnissaanut tunngaviit.
10. Pikkorissarnermik naliliineq.